

প্রেস বিজ্ঞপ্তি

বঙ্গবন্ধুর জন্মশতবার্ষিকীর ঋণগণনা কর্মসূচি নিয়ে গণমাধ্যমকর্মীদের সাথে মতবিনিময়

ঢাকা, ০৪ ডিসেম্বর ২০১৯

জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী উদযাপনের কাউন্টডাউন কর্মসূচির ব্যাপক প্রচারের লক্ষ্যে আজ বিকালে আন্তর্জাতিক মাতৃভাষা ইনস্টিটিউটের সম্মেলন কক্ষে গণমাধ্যমের জ্যেষ্ঠ প্রতিনিধিদের সাথে মতবিনিময় সভা অনুষ্ঠিত হয়েছে।

উক্ত মতবিনিময় সভায় প্রধান অতিথি হিসেবে উপস্থিত ছিলেন তথ্য প্রতিমন্ত্রী ডা: মো: মুরাদ হাসান, এমপি। সভায় প্রধান অতিথির বক্তব্যে তথ্য প্রতিমন্ত্রী জানান, জাতির পিতার জন্মশতবার্ষিকী উদযাপন আমাদের জাতীয় জীবনে এক ঐতিহাসিক ও বিরল সুযোগ। তিনি বলেন, আগামী ১০ জানুয়ারি ২০২০ তারিখে মাননীয় প্রধানমন্ত্রী বঙ্গবন্ধুর জন্মশতবার্ষিকী উদযাপনের কাউন্টডাউন কর্মসূচির উদ্বোধন করবেন বলে আশা করা যাচ্ছে। কাউন্টডাউন কর্মসূচি সফল করতে মিডিয়ায় ব্যাপক প্রচারণা চালানোর উপর তিনি গুরুত্বারোপ করেন।

মতবিনিময় সভায় বক্তারা জানান, জন্মশতবার্ষিকী উপলক্ষে প্রিন্ট এবং ইলেক্ট্রনিক মিডিয়া ঋণগণনার দিন থেকে শুরু করে পরবর্তী ৬৬ দিন জন্মশতবার্ষিকীর লোগো এবং ঋণগণনার ঘড়ি প্রদর্শন করবে। জন্মশতবার্ষিকীর আয়োজন সার্বজনীন করার লক্ষ্যে প্রিন্ট ইলেক্ট্রনিক এবং অনলাইন মিডিয়া নিজস্ব পরিকল্পনা গ্রহণ করবে এবং তথ্য মন্ত্রণালয় ও জাতীয় বাস্তবায়ন কমিটি এ বিষয়ে সার্বিক সহযোগিতা করবে।

জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী উদযাপন জাতীয় বাস্তবায়ন কমিটির সভাপতি জাতীয় অধ্যাপক মোহাম্মদ রফিকুল ইসলামের সভাপতিত্বে অনুষ্ঠিত এ মতবিনিময় সভা পরিচালনা করেন কমিটির প্রধান সমন্বয়ক ড. কামাল আবদুল নাসের চৌধুরী। অন্যান্যের মধ্যে উপস্থিত ছিলেন মাধ্যমিক ও উচ্চ শিক্ষা বিভাগের সিনিয়র সচিব মো: সোহরাব হোসাইন, সশস্ত্র বাহিনী বিভাগের প্রিন্সিপাল স্টাফ অফিসার লেফটেন্যান্ট জেনারেল মো: মাহফুজুর রহমান, তথ্য মন্ত্রণালয়ের সচিব আবদুল মালেক, জনপ্রশাসন মন্ত্রণালয়ের সচিব ফয়েজ আহম্মদ, গণমাধ্যম ব্যক্তিত্ব ইকবাল সোবহান চৌধুরী, মোজাম্মেল হক বাবু, সোহরাব হাসান, সুভাষ সিংহ রায়, মোস্তফা কামাল, মুস্তাফিজ শফি, রেজওয়ানুল হক রাজা, সৈয়দ আশিক রহমান, রাহুল রাহাসহ বিভিন্ন প্রিন্ট ও ইলেক্ট্রনিক মিডিয়ার সিনিয়র সাংবাদিকবৃন্দ এবং বিভিন্ন মন্ত্রণালয় ও বিভাগের উর্দ্ধতন কর্মকর্তাবৃন্দ।

(নাসরীন জাহান লিপি)

প্রধান মিডিয়া কর্মকর্তা

মোবাইল- ০১৫৫২৪১৪২২১